

玄覽堂叢書續集

第三十一冊

中國經濟地理 第二版



大元大一統志卷第三百五十七

奏進

集賢大學士資善大夫同知宣徽院事

臣字蘭時

昭文館大學士中奉大夫秘書監

臣岳

鉉等

上進

襄陽路

官蹟

鄧禹

東漢光武拜禹爲大司徒封鄴侯禹時
年二十四渡汾陰河入夏陽是時三輔
連覆敗赤眉所過殘滅百姓不知所歸
聞禹乘勝獨克而師行有紀皆望風相

攜負以迎軍降者日千數禹所止輒停車住節以勞來之父老重緝華髮戴白滿車下莫不感悅於是名震關西建武年更封梁侯

鄧遐

漢水有蛟龍遐爲襄陽守自入水斬蛟由是無患

王寵

鄭獬水渠記云後漢寵守襄陽鑿蠻水與木里溝溉田六十餘頃遂無飢而襄

中爲天下膏腴

胡烈

後漢爲襄陽守築石堤民歌之曰譬春
之陽如冬之日耕者讓畔百姓豐溢惟
我胡公恩惠難及

劉表

事漢初平元年長沙太守孫堅殺荊州
刺史王睿詔以表爲荊州刺史鎮襄陽
表單騎入宜城請南郡人蒯越襄人蔡
瑁與共謀畫經理兵事遷鎮將軍荆

州牧封武成武侯初荊州人情擾加四

方駭震寇賊相扇處處糜沸表招誘有
方威惠兼洽姦猾宿賊更爲效用萬里
肅清大小咸悅關西兗豫學士歸者千
數表安慰賑贍皆得資全遂起立學校
傳求儒術表在荆幾二十年家無餘積

關羽

蜀先主收江南諸郡以羽爲襄陽太守
盪寇將軍羽攻曹仁於樊圍呂常於襄
破降于禁威震華夏曹操議徙都以避

其銳

胡質

仕曹魏至征東將軍荊州刺州其子威
自京師定省家貧無車馬僮僕自驅驢
單行每至客舍躬放驢取樵炊爨食畢
復進道既至見父停廐中十餘日告歸
父賜絹一疋爲裝威曰大人清高不審
於何有此絹質曰是吾俸祿之餘以爲
汝程耳威受之辭歸質帳下都督先威
未發請假還家陰資裝於百里餘要威

爲伴每事佐助行數百里威疑而誘問
之既知乃取所賜絹與都督謝而遣之
後因他信以白質質杖都督百餘吏名
其父子清慎如此於是名譽著聞

羊祜

晉泰始初帝有滅吳之志祜以尚書右
僕射衛將軍出爲都督荊州諸軍假節
散騎常侍鎮襄陽於是親率營兵出鎮
南夏開設庠序綏懷遠近甚得江漢之
心在軍常輕裘博帶身不被甲館閣之

下侍衛不過十數增修德信以懷遠人
墾土八百頃其始軍無百日之糧季年
乃有十年之積後卒百姓爲建碑望其
碑者莫不流涕祐常與陸抗相對使命
交通抗稱祐德量雖樂毅孔明無以加
抗嘗病祐饋之藥抗服之無疑人多諫
抗抗曰羊叔子豈醜人者時譚以爲華
元子反復見于今

杜預

以度支尚書假節行平東將軍 征南

軍司拜鎮南大將軍都督荊

領襄陽羊祜舉爲代也預至鎮繕甲兵
耀威武乃簡精銳襲吳西陵督張政大
破預請伐吳表陳至計果旬日累剋城
邑如預策吳平以功封當陽侯子耿封
亭侯預還鎮修立類宮又修郤信臣堰
開揚口起夏水達巴陵內瀉長江之險
外通零桂之漕南土歌曰後世無叛由
杜翁孰識智名與勇功預好爲後世名
乃刻爲二碑紀勲績一沈萬山之下一

立峴山之上曰馬知此後不爲陵谷子
後徵爲司隸校尉行次鄧城卒

山簡

晉永嘉六年以尚書左僕射出爲征南
將軍都督交廣四州諸軍事鎮襄陽四
方寇難天下崩分惟簡優游卒歲劉聰
逼京師簡遣督護赴難及洛陽陷沒簡
爲賊嚴嶷所逼乃遷夏口招納流亡江
漢歸之

却恢

以建武將軍雍州刺史領襄

關隴之和降附者日有千計後以功改

秦州刺史

陶侃

受劉洪壁爲荊州南蠻長史

沈慶之

宋元嘉中大破羣蠻遷中兵參軍

庾亮

以都督江荆揚益梁豫六州諸軍事領

荆江豫三州刺史鎮武昌亮有恢復中

原之謀乃上疏請移鎮襄陽之石城并
遣諸軍羅布江沔王導與亮同意庾翼
以滅賊爲已任有衆四萬師次襄陽勝
氣十倍

朱序

寧康初以梁州刺史鎮襄陽是歲苻堅
將苻丕等帥衆來圍城序固守母穆氏
領百餘婢并城中女丁於西北角築城
二十餘丈賊攻之急果潰衆便因新築
城丕引退襄陽人謂此城爲

果戰破賊人情稍懈又以賊退稍遠疑
未能來守備不謹督護李伯護密與賊
通襄陽陽遂陷序沒於苻堅殺伯護徇
之以其不忠也

宋武陵王休龍

元嘉二十二年爲雍州刺史自晉江左
以來襄陽未有皇子出鎮文帝欲經略
關河故有此授

曹景宗

齊時爲冠軍中兵參軍有謀略

昌義之

梁高祖初起爲建安王中兵參軍

沈約

齊初爲征虜記室帶襄陽令

江革

爲征北記室參軍兼襄陽令

隋薛道衡

檢校襄陽總管高祖曰朕欲令爾兼撫

此俗今爾之去如斷一臂在任清簡吏

民懷之

唐李孝恭

武德元年拜荊州大總管六年遷襄州
道行臺尚書時嶺表未平孝恭撫慰四
十九州皆來款附

張柬之

相則天誅二張返正中宗復唐社稷以
功封漢陽王仍授襄州刺史典鄉郡也

魯景

安祿山反拜爲襄陽節度使初賊欲剽
亂江湖賴景拒其衝故南夏以全

大元大一統志卷第三百六十

奏進

集賢大學士資善大夫同知宣徽院事臣李蘭斯

昭文館大學士中奉大夫秘書監臣岳鉉等上進

均州

古蹟

三王城

輿宇記云此乃前漢末王康王常王鳳

王人所築各自有一城今遂號爲三王

城

上庸城